



DFF¹ - Texnomart

Mamlakat:	O'ZBEKISTON
Loyiha raqami:	56076
Biznes sektori:	Ishlab chiqarish va xizmatlar
Bildirgi turi:	XUSUSIY
Ekologik toifasi:	B
Loyiha tasdiqlanadigan sana:	01 aprel 2025
Holati:	O'rganish bosqichida, yakuniy xulosa kutilmoqda
Loyihaning qisqacha mazmuni (PSD) nashr qilingan sana:	31 mart 2025 yil

Loyiha tavsifi

Toshkent shahri va O'zbekiston viloyatlarida Texnomart chakana savdo tarmog'ini yanada kengaytirishni moliyalashtirish uchun 10 million AQSh dollari miqdorida garov ta'minotiga ega uzoq muddatli kredit ajratish.

Loyiha maqsadlari

Loyihaning maqsadlari (i) Texnomartning chakana savdo hududiy qamrovini kengaytirish va elektron tijoratini takomillashtirish orqali uning raqobatbardosh mavqeini mustahkamlash; (ii) korporativ boshqaruv mexanizmlari va amaliyot tamoyillarini takomillashtirish; va (iii) uning raqamli transformatsiyasini rag'batlantirishga qaratilgan.

O'tish davri ta'siri

ETI 67

Samarali boshqariladigan: Loyiha Kompaniya uchun ishlab chiqilgan chora-tadbirlar rejasi orqali Kompaniyaning korporativ boshqaruvini mustahkamlaydi.

Raqobatbardosh: Loyiha IT-tizimlarni modernizatsiya qilish va elektron tijoratni rivojlantirish orqali Kompaniyaning raqamli transformatsiyasini qo'llab-quvvatlaydi.

¹ To'g'ridan to'g'ri moliyalashtirish dasturi

Mijoz haqida ma'lumot

"TEXNOMART" MCHJ

"Texnomart" MCHJ O'zbekistonning eng yirik maishiy texnika va elektronika chakana sotuvchilaridan biri hisoblanadi.

YTTB moliyaviy mablag'lari

10,000,000.00 AQSh dollari

Loyihaning umumiy qiymati

10,000,000.00 AQSh dollari

Ekologik va ijtimoiy xulosa

Loyiha B toifasiga kiritilgan (2024-yilgi Ekologik va Ijtimoiy Siyosatga muvofiq). Do'konlarni ta'mirlash uchun kapital harajatlar va tovarlarni sotib olish uchun aylanma mablag'lar bilan bog'liq ekologik va ijtimoiy xavflar aniq bir hududga xos bo'lib, ularni tegishli yumshatish choralari orqali hal qilish mumkin. Atrof-muhit va ijtimoiy muammolarni o'rganish va aniqlash (ESDD) ichki tartibda o'tkazildi va ekologik va ijtimoiy xavflar (E&S) so'rovnomasida ko'rib chiqildi.

ESDD tekshiruvi kompaniyada cheklangan Atrof-muhit va ijtimoiy boshqaruv tizimiga (ESMS) tegishli ba'zi elementlar bor degan xulosaga keldi shuningdek ba'zi ijtimoiy va ekologik kamchiliklarni aniqladi. Ushbu kamchiliklar Atrof-muhit va ijtimoiy harakatlar rejasi (ESAP) orqali bartaraf qilinadi. Shartnoma bandlari bajaruvchini tegishli kapital harajat rejalari uchun atrof-muhit, sog'liqni saqlash va xavfsizlik talablariga javob berishga majbur qiladi. Loyihaning asosiy yetkazib beruvchilari orasida hech qanday ekologik muammolar aniqlanmagan.

ESAP Kompaniyani ekologik va ijtimoiy boshqaruv tizimi tuzilmasini rasmiylashtirish majburiyatini o'z ichiga oladi. Kadrlar siyosati II-talabga ko'ra muvofiqlashtirilgan, shu jumladan xodimlarning shikoyatlarini ko'rib chiqish mexanizmi va teng imkoniyatlar siyosati joriy etilgan. Qadoqlash va elektron chiqindilarni boshqarishga qaratilgan Chiqindilarni boshqarish rejasi ishga tushiriladi. Kichik yuk avtomobillari parki ishlatilmoqda va transport vositalariga texnik xizmat ko'rsatish tartibi yo'lga qo'yilgan. ESAP Kompaniyaga haydovchilar xavfsizligi bo'yicha rejali o'quv mashg'ulotlarini o'tkazish majburiyatini yuklaydi. Jamoatchilik shikoyatlari mexanizmi joriy etilgan.

Bank Yillik Ekologik va Ijtimoiy Hisobotlarni ko'rib chiqish orqali Loyihaning monitoringini olib boradi.

Texnik hamkorlik va grantlar orqali moliyalashtirish

Ushbu Loyiha Yaponiya-YTTB hamkorlik jamg'armasi (JECF) tomonidan qo'llab-quvvatlangan bo'lib, jamg'arma yuridik ekspertiza xarajatlarining bir qismini qoplaydi. Shuningdek, Kompaniya :

- (i) korporativ boshqaruvni takomillashtirish uchun 80 000 yevrogacha,

(ii) raqamlashtirish strategiyasini qo'llab-quvvatlash uchun 75 000 yevrogacha,

(iii) keyinchalik Kompaniya strategiyasini takomillashtirish uchun (2-chi transh bosqichida) aksiyadorlarning maxsus jamg'armasining (SSF) texnik hamkorlik mablag'laridan foydalanadi.

Qo'shimchalilik

YTTB tijorat banklarda mavjud bo'lmagan moliyalashtirish imkoniyatlarini taklif qiladi hamda korporativ boshqaruvni takomillashtirish va raqamli rivojlanishni qo'llab-quvvatlash orqali yuqori standartlarga erishishga yordam beradi.

Kompaniyaga murojaat qilish uchun ma'lumot

Ahrorjon Abdukarimov
aabdukarimov@texnomart.uz

+998712099944

<https://texnomart.uz/>

21/21A Ravnaq ko'chasi, Mirzo-Ulugbek tumani, 100007, Toshkent shahri,
O'zbekiston

PSD oxirgi yangilangan sana:

31 Mart 2025

O'tish davri nima

O'tish davri ta'sirini baholash bo'yicha YTTB yondashuvi haqidagi qo'shimcha ma'lumotni [mana bu havoladan](#) olishingiz mumkin.

Loyihalarda ishtirok etish uchun imkoniyatlar

Loyihada yoki xaridlarda ishtirok etish uchun mijoz kompaniyaga murojaat qiling.

YTTB bilan (xaridlarga oid bo'lmagan masalalarda) hamkorlik qilish uchun quyidagi telefon yoki elektron pochta orqali bog'laning:

Tel: +44 20 7338 7168

E-manzil: projectenquiries@ebrd.com

Davlat sektoridagi loyihalar uchun [YTTB xaridlari](#) sahifasiga o'ting:

Tel: +44 20 7338 6794

E-manzil: procurement@ebrd.com

Umumiy ma'lumotlar

Aniq so'rovlar [YTTB so'rovlar shakli](#)dan foydalangan holda berilishi mumkin.

Ekologik va ijtimoiy siyosat (ESP)

YTTB o'zining "ekologik jihatdan mas'ul va barqaror rivojlantirish" tashabbusini ilgari surishda [Ekologik va ijtimoiy siyosat](#) va uning tarkibiy qismi bo'lgan loyiha talablari (PR) Bank loyihasini amalda qo'llash tartibini belgilab beradi. ESP va PR tegishli milliy qonunchilik doirasida Bank mijozlarining keng jamoatchilikka axborot berishi va maslahatlashishini ta'minlash, shuningdek manfaatdor tomonlarning xavotirlari va shikoyatlarini, ayniqsa, ekologik va ijtimoiy muammolarni ko'rib chiqish va hal qilishga yordam beradigan mexanizmlarni yaratishdagi aniq talablarni o'z ichiga oladi. Loyihaning ekologik va ijtimoiy risklarni va ta'sirining mohiyati va ko'lamidan kelib chiqqan holda, zarurat tug'ilganda, YTTB o'z mijozlaridan qo'shimcha ravishda loyihalarning risklarni va ta'sirlari haqida ma'lumotni oshkor qilishni, shuningdek, manfaatdor tomonlar bilan batafsil fikr almashish va muammolar yuzasidan choralar ko'rilishini talab qiladi.

Bu sohada YTTBning tajribasi bo'yicha qo'shimcha ma'lumotlar ESPning quyidagi [sahifasida](#) keltirilgan.

Ish faoliyatidagi halollik va belgilangan me'yorlarga rioya qilish

YTTBning muvofiqlik nazorati boshqarmasi (OCCO) Bankda mas'uliyatli boshqaruvga ko'maklashish bilan birga Bank faoliyatining barcha jabhalarida eng yuqori standartlarda ish olib borilishini va barcha jarayonlar ilg'or xalqaro tajribalarga muvofiq bo'lishini ta'minlaydi. Bankning barcha mijozlari uchun ularning ish faoliyatidagi halolligini tekshirishdan maqsad, Bank loyihalari uchun qabul qilinishi mumkin bo'lmagan huquqiy va nufuzga oid risklarga yo'l qo'yilmaslikdan iborat. Bank nuqtai nazariga ko'ra, loyihani dastlabki baholash va tasdiqlash bosqichida muammoli jihatlarni aniqlash va ularni bartaraf qilish Bank faoliyati nufuziga putur yetkazmaslikning eng samarali vositasidir. OCCO ushbu profilaktika chora-tadbirlarida muhim ahamiyatga egaligi bilan birga investitsiya qilinganidan keyingi davrda Bankning nufuziga xavf soladigan risklarni nazorat qilishga yordam beradi.

OCCO, shuningdek, YTTB tomonidan moliyalashtirilayotgan loyihalar doirasidagi firibgarlik, korrupsiya va lavozimni suiiste'mol qilish bo'yicha ma'lumotni tekshiruvchi mas'ul hisoblanadi. Agar kimningdir Bank ichida yoki undan tashqarida firibgarlik yoki korrupsiya holatlari kuzatilayotganligi haqida gumoni bo'lsa, u muvofiqlik nazorati boshqarmasi boshlig'iga bu holat haqida yozma tarzda compliance@ebrd.com elektron manzili orqali xabar qilishi lozim. Barcha bildirilgan daliliy ma'lumotlar tegishli choralar ko'rish uchun OCCO tomonidan ko'rib chiqiladi. Barcha xabarlar, shu jumladan anonym tarzidagi xabarlar ham tekshirib chiqiladi. Bu turdagi xabarlar istalgan tilda, jumladan Bank faoliyat ko'rsatayotgan mamlakatdagi rasmiy tilda tayyorlanishi mumkin. Bunday ma'lumotlar yaxshi niyatni ko'zlashi maqsadga muvofiqdir.

Axborotdan erkin foydalanish siyosati (AIP)

2020-yilning 1-yanvarida kuchga kirgan AIP YTTBning strategiyalari, siyosatlari va amaliyotlarini yaxshiroq tushunish va bilishga ko'maklashish uchun manfaatdor

tomonlarga ma'lumotlarni ochiqlash bilan birga maslahatlashuvlar tartibini belgilab beradi. YTTB veb-saytidan qanday ma'lumotlar olish mumkinligini bilish uchun [Axborotdan foydalanish siyosati](#) sahifasiga o'ting.

Muayyan savollaringizni [YTTBning ma'lumot so'rovi](#) orqali yuborishingiz mumkin.

Loyihalar bilan bog'liq shikoyatlarni ko'rib chiqish mexanizmi (IPAM)

Agar jismoniy yoki yuridik shaxslarning ekologik-ijtimoiy sohadagi yoki axborotni oshkor qilish borasidagi xavotirlarini (masalan, loyiha darajasida mijozlar tomonidan yaratilgan shikoyatlar mexanizmi yoki Bankning amaliyot boshqaruvi bilan bevosita o'zaro aloqa qilish orqali) qanoatlantirishga bo'lgan urinishlari samarasiz bo'lsa, ular YTTBning hisobdorlik mexanizmi ya'ni loyihalar bilan bog'liq shikoyatlarni ko'rib chiqish mexanizmi yordamida (IPAM) o'zlarining o'sha xavotirlarini bildirishlari mumkin.

Loyihalar bilan bog'liq shikoyatlarni ko'rib chiqish mexanizmi (IPAM), arizachilarning fikriga ko'ra, zarar yetkazishga ulgurgan yoki kelajakda zarar yetkazishi mumkin bo'lgan loyihaning muammolarini mustaqil ravishda baholaydi. Ushbu mexanizmning vazifalari quyidagilardan iborat: - ekologik-ijtimoiy va axborotni oshkor etish bo'yicha muammolarni hal qilish uchun loyiha ishtirokchilari o'rtasidagi o'zaro aloqalarni o'rnatish va muloqotlarni olib borish; - Bank tomonidan ishlab chiqilgan [Ekologik va ijtimoiy siyosat](#) talablariga, shuningdek loyihaga oid tegishli [Axborotdan erkin foydalanish siyosati](#) qoidalariga rioya qilinishini baholash; - zarurat tug'ilganda, ushbu mezonlarga rioya qilmaslik holatlarini bartaraf etish, kelgusida Bank tomonidan ularni buzish holatlariga nisbatan ko'riladigan choralarini ko'zda tutish.

IPAM va uning vakolatlari haqida batafsil ma'lumot olish, ko'rib chiqilishi kerak bo'ladigan [shikoyatlarni jo'natish](#) uchun [Loyihalar bilan bog'liq shikoyatlarni ko'rib chiqish mexanizmi veb-saytiga](#) kirishingiz yoki tavsiyalar olish hamda IPAM haqida qo'shimcha ma'lumot olish va shikoyat jo'natish uchun ipam@ebrd.com electron pochta orqali biz bilan bog'lanishingiz mumkin.